

# Lauser - Rud<sub>(Kinder)</sub>

Rudenkirtag Sierning Faschingdienstag 25.2.2020



|  |  |
|--|--|
| <p>Griass Gott, liabe Leut,<br/>mia ham uns schon gfreut,<br/>de Lauser singan auf,<br/>sads ruhig, passt`s auf,<br/>wolln an Landler auffiarn,<br/>in Eggstoanan gratuliern,<br/>25 Jahr san scho zsam,<br/>des is für uns a Lebn lang.</p>                             | <p>Kreuzlustig und keck,<br/>d`Fingernägeln voi Dreck,<br/>de Knia volla Bluat,<br/>aber singa damma guat,<br/>san de fünfte Rud z`Neikircha,<br/>andre singan vü schiacha,<br/>drum miaß ma eich beehrn:<br/>sollts amoi was gscheids hearn.</p>                                    |
| <p>Mit de Schuireformen muassma sagn,<br/>is`s echt zan verzagn.<br/>D`Mittlschuin tans umbenenna<br/>des Wörtl „Neich“ soi wegkemma.<br/>Und de Notn ja mei,<br/>führns jetzt a wieda ein,<br/>am meistn tuat uns aber gfrein:<br/>jetzt derf ma wieda sitznbleibn!</p> | <p>Mit de Tests is so a Sach,<br/>s`wird uns wirkli schwa g`macht,<br/>drei Lehrer in da Klass,<br/>da machts Schummön koan Spaß,<br/>waunnst a nu so geschickt bist,<br/>ham an jedn nu dawischt,<br/>so kinnans dir, es ist zan flenna,<br/>de ganze Freud am Schuigehn nehma.</p> |
| <p>Unsre Ölttern, bledi Gschicht -<br/>de hats jetzt gscheid dawischt,<br/>dös Pensionsalter hebns an,<br/>bis 65 hacklns dann.<br/>Jedoch mia sagns an jedn,<br/>jetzt san mia de Bledn. .<br/>Denn wer soi in Zukunft daun,<br/>moi auf unsre Kinda schau?</p>         | <p>Pfiat Gott, liabe Leut,<br/>es hat uns recht g`freut,<br/>sats a klass Publikum,<br/>da kimmt ma in Schwung,<br/>vielleicht segn ma si gar<br/>wieda in a paar Jahr,<br/>nachn Stimbruch waun`s wa,<br/>am Sianga Rudenkirta a.</p>   |